



**D. D. Emanuelis Gonzalez Tellez, In Inclyta Salmanticensi  
Academia Collegii Majoris Conchensis Alumni, &  
antiquioris vespertinæ Sacrorum Canonum Cathedræ  
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Quartum

**González Téllez, Emanuel**

**Francofurti Ad Moenum, 1690**

Caput I. Nicolaus (a) ad Consulta Bulgarorum.

---

[urn:nbn:de:hbz:466:1-74533](#)

*Antiochus obſidione cinget, nec ſpem habebit ut di-  
tioni, atque imperio ſubjiciat. Et ita filia per bap-  
timum fieri dicitur lib. 25. Basile. cap. 27. &  
apud Harmenopolum lib. 4. promptuarii, rit. 6.  
§. 18. obſeruat Meril. lib. 3. obſ. cap. 40. Sicut er-  
go ex adoptione naſcitur cognitione legalis impe-  
diens matrimonium, & dirimens, cap. un. in  
fra. titul. 1. Ita etiam ex adoptione spirituali pro-  
venit cognitione spiritualis, qua impedit, & diri-  
mit matrimonium, ut ajebat Athanasius CP. Pa-  
triarcha epifol. 5. ibi: *In coniugio caveatur pueri-  
tia, propinquitas ſanguinis, adoptio, & ſuſcep-  
tio in baptismate.* Et Gregorius Nazianz. epift. 95. ait:  
*Quod hec cognitione eſt major cognitione corporali.*  
Quod etiam firmarunt PP. feſta Synodi in c. 53.  
immò apud ipſos Græcos ita diſſundebatur co-  
gnitione spiritualis ad gradus, ſicut cognitione  
carnalis, ut conſtat ex d. lib. 28. Basile. rit. §. 6. 27.  
& ex lib. 5. Juris Oriental. ubi in Synodo, qua  
habita fuſt ſub Nicolao Patriarcha Conſtantinop. ita diſſinuit fuit. Sedeos recte reprehen-  
dunt Balsamon in d. can. 53. Cuſac. in preſenti,  
eandemque prohibitionem obſervant Moſcovite-  
ſe, ſeu Rutheni, ut ex Sigismundo probat P.  
Gregorius lib. 9. ſyntagma. cap. ii. num. 18. ergo  
cum ex sacramentis Baptiſmi, & Confirmationis  
naſcatur cognitione spiritualis, ad exemplum  
cognitionis carnalis, ſeu legalis, ſicut ob eam  
impedit matrimonium, ac dirimitur, ita ob  
iſtam.*

<sup>122</sup>  
Difficitur  
dubitandi  
ratio.

Nec obſtat dubitandi ratio ſuprā expenſa,  
nam ut probavi in d. cap. cum inbibito, de clandeſ-  
tisponſ. licet Eccleſia circa Sacra-menta non po-  
ſit aliquid mutare ex forma, materia, ſeu mini-



## TITULUS XII.

## De cognitione legali.

## CAPUT I.

## Nicolaus (a) ad Consulta Bulgarorum.

**S**I qua per adoptionem mihi (b) ſoror eſſe cœperit, quādū durat adoptio, inter me  
& iſpam nuptiæ conſistere non poſſunt.

## NOTÆ.

<sup>i.</sup>  
<sup>primi tem-  
pore.</sup>  
(a) **N**icolaus. ] Ita etiam legitur in prima  
collectione, ſub hoc titul. cap. un. &  
ex ipo Pontifice citatur à Carnotensi textus  
hic p. 9. Decret. capite 34. Sanctus Nicolaus I.  
electus in Pontificem die 24. Aprilis anni 858.  
plura præclaras grefs in toto ſui Pontificatus tem-  
pore, præcipue ejus anno 9. Christi autem  
866. cum Michaël Bulgarorum Rex fidem Ca-  
tholicam amplectetur, & cum majori regni  
ſui parte baptizatus eſſet, non ſolum Legatos  
ſtatiſ ad eum misit, verū & ſuper diversis  
tebus ab eis consulitus perdocta reſponſa dedit,  
D.D. Gonzal. in Decretal. Tom. IV.

qua ſub titulo, *Reſponſa ad consulta Bulgaro-  
rum*, extant tom. 6. Concil. & prodierunt Ant-  
verpiæ operæ & studio Franciſci Turriani, in-  
ter qua referuntur verba in praefenti à Ray-  
mundo transcripta; conſtat enim ex reſpon-  
ſo Demetrii Comatheni Bulgariae Archiepi-  
copi, lib. 5. Juris Orientalis, apud Bulgarios il-  
lum errorem invauiffe aliquando, ut crede-  
rent fraternitatē ex ſola adoptione nullam  
eſſe, atque adeo nullum prorsus inde impe-  
dimentum poſſe nuptiis afferri; authoritate in-  
que ſuo errori adſtruebant ex l. nec apud. 7. C.  
de hæredib. iſtit. in qua non negant Impera-  
tores, fratrem poſſe per adoptionem fieri, ſi  
quis

quis jam filium, filiamve habens, aliam insuper adoptet in locum filii. Sed negant valere eam adoptionem, in qua quis sibi alium in fratrem adoptaverit, quia naturam imitari debet adoptio, per quam nemo fratres sibi, sed filios tantum gignit, ut statim dicemus. Unde credo errorem istam carpere voluisse Nicolaum in praesenti textu.

(b) *Soror esse cœperit.*] At nemo potest adoptare alium in fratrem, & sororem, *l. filius* 42. *ff. de bonis libert.* *l. nec* 7. *Cod. de hered.* *instit.* *l. 13. C. de probat.* duplice ex ratione. Prima, quia adoptare ei tantum permittitur, qui sui juris est, aliquoquin sicut possideri non potest qui possidetur ipse, *l. homo liber* §4. §. ultim. *ff. de acquir. rer. domin.* *l. cum heredes* 23. §. 1. *ff. de acquir. posses.* *l. qui in servitute,* *ff. de r. g. jur.* ita neque in potestate sua quemquam habere, qui non est sua potestatis, *l. sic eveniet* 21. *ff. ad l. Jul. de adult.* *l. ult. Cod. de legit. tritor.* quod pertinet illud Seneca de fratre, qui fratrem adoptaverat: *Nec enim quisquam potest alium in manum suam recipere, quia aliena manu est:* quomodo ergo fieri posset, ut tibi potestas vita, necisque, aut in fratrem sit, aut in filium non sit? Secunda, quia adoptio naturam imitatur, *l. adoptio*, *ff. de adopt.* §. minorem, *Inst. cod. titul.* Naturæ similitudo est. Gajus lib. 1. *Inst. tit. 5.* Naturam sequitur. Harmenopulus in promptuar. lib. 7. tit. 8. Sed per naturam nemo sibi fratrem gignit: igitur nec per adoptionem; & per consequens non recte in praesenti ait Nicolaus, per adoptionem sororem esse coepisse. Sed responderetur, Nicolaum in praesenti non agere de ea, quam adoptaverim in sororem, sed quam pater meus adoptavit in filiam: qua quia per adoptionem mihi soror efficitur, ideo mecum matrimonio jungi non potest, *l. qui in adoptionem* 23. *ff. de adopt.* Sic in locum cognati nullus adrogatur, sed qui in filii locum adrogatur, cognatus efficit agnatos adrogatorum, *l. si cognatis* 19. *ff. de rebus dubiis:* docuerunt Cujac. in d. l. 13. C. de probat. Forner. lib. 3. *rer. quotid. cap. 20.* Si autem vir & femina simul adoptentur ab uno patre, possunt inter se matrimonium contrahere. Leander de sacram. disp. 13. q. 26.

## COMMENTARIUM.

*3. Conclusio traditur, & probatur.* Ex hoc textu vulgo sequens deducitur assertio: *Inter adoptatum, & filiam adoptantis, non potest durante adoptione dari matrimonium, secus vero eam soluta.* Probat textus cum ita diligere, cap. per adoptionem, 30. quest. 3. *l. se qua* 12. *l. adoptivus* 14. *ff. de ritu nupt.* *l. si stipuler* 35. *in fine princip.* *ff. de verb.* *obl.* *l. qui in adoptionem* 23. *ff. de adopt.* *l. 9. in fine*, *ff. de liber.* & posthunc. §. *sed si qua*, *Inst. de nupt.* Novel. 24. Leonis. Illustrant ultra congetlos à Barbos. & agentes de impedimentis matrimonii, Cujac. & Canisius hic, Gentil. lib. 5. de nuptiis, cap. ultim. Corvinus in ius canonicum, lib. 2. tit. 13. Petrus Greg. lib. 3. partit. tit. 21. capit. 10. Sanctus Raymundus lib. 1. summa, titul. 4. Fornerius lib. 3. ver. quotid. cap. 20. Lælius Mancinus lib. 1. de triplici juris collat. cap. 69. Franciscus Hothomanus de ritu nupt. cap. 4. Instituta-

rii in d. §. sed si qua, Leander de matrim. disp. 13. q. 26. Dantis ad 18. q. 4. Macedo de clavibus Petri, lib. 4. cap. 11. fol. 609.

Sed pro dubitandi ratione in praesentem assertionem ita insurgo: Matrimonium est juris <sup>4.</sup> impugnat. naturalis, §. ius naturale, Inst. de jure naturali; tur tradit. adoptio vero est figuramentum civile, ut qui per assertio. naturam liberos non habet, mediante adoptione eos creditur habere, *l. 1. ff. de adopt.* igitur hoc juris civilis commento non potest tolli matrimonium, quod est juris naturalis, §. sed naturalia, Inst. de jure natur. præcipue cum in matrimonio contrahendis jus naturale spectetur, *l. adoptivus* 14. §. 2. *ff. de ritu nuptiar.* Augetur haec dubitandi ratio ex eo, nam licet filii adoptivi quoad plures juris effectus habeantur pro filiis, tamen quoad alios filii non judicantur, ut in casibus relatis in l. 1. §. 9. *ff. ad Sylamanum*, leg. fideicommissum 76. *ff. de condit.* & demonstrat. §. 1. Inst. de excus. tutor. immo ex constitutione Justiniani relata in leg. ultim. C. de adopt., filii adoptati non transeunt in potestate adoptantis, & adoptio à jure & ratione sanguinis planè aliena est, *l. qui in adoptionem* 23. *ff. de adopt.* & omni vera cognationis jure caret, *l. 4. §. 1. ff. de gradibus.* *l. si qua* 12. §. ultim. *ff. de ritu nupt.* Igitur nec ut matrimonium prohibetur, adoptivi pro filiis haberi debent. Deinde difficilis est alia pars ipsius assertio, ubi docetur, soluta adoptione per emancipationem matrimonium in praesenti specie dari posse; nam adoptio facti est, sed quæ facti sunt, pro infectis haberi nequeunt, *l. denique* 19. *ff. ex quibus causis maiores*, *l. in bello* 12. §. facti, *ff. de captiv.* ergo adoptio semel celebrata per emancipationem solvi non potest, ut matrimonium consistat, præcipue cum absurdum sit valorem sacramenti matrimonii pendere ex facto privato, patris videlicet emancipantis, vel non filium. Augetur haec secunda difficultas ex eo, nam filius adoptatus, etiam soluta adoptione, eam, quæ uxor patris adoptivi fuit, in uxorem ducere non potest, nec ipse qui filium adoptavit, uxorem ejusdem, quæ nurus loco est, nec quidem post emancipationem uxorem ducere valet *l. adoptivus* 14. *ff. de ritu nupt.* Igitur similiter nec filius emancipatus ducere potest sororem adoptivam, etiam sequitur alterius emancipatione, cum verum sit fratres fuissent.

Quibus difficultatibus minimè obstantibus vera est praesens assertio, pro cuius expositiōne scire oportet, dulce filii nomen facere, ut qui naturalem ex se habere non potest, ex alienis sepe adoptet. Primam legimus inter homines adoptionem factam à prædivite natorum patre, sed instigante Deo; xgrotans quippe Jacob, & jamjam moriturus, adoptavit sibi in filios Ephraim, & Manassem, ut quisque eorum separatim sibi tribum constitueret; Cœnesis cap. 48. ibi: *Duo ergo filii tui, qui natum sunt tibi in terra Egypti, antequam hoc venire ad te, mei erunt, Ephraim, & Manasses, sicut Ruben, & Simeon reputabuntur mihi:* reliquos autem quos generis posse eos, tui erunt. Adoptavit etiam Moisem Therenissa filia Pharaonis, Exodi capite 2. & Mardochæus Esther filiam fratri, cap. 1. Esther; unde receptum certatim fuit à gentibus, ut qui liberos non haberet, ex alienis filiis eligere sibi aliquem

aliquem posset, ut ita quod per naturam debeat, hoc commento suppleretur, *l. adoptio, ff. de adopt.* *l. filio, ff. deliber. & posth.* & ita adoptatus perinde habebatur, ac si ex marito & uxore natus esset, *l. i. l. si quis, ff. de adopt.* *l. i. C. eod. tit. l. 3. ff. de officio Proconsul.* Duobus autem modis fiebat adoptio, Populi, vel Principis auctoritate, sive Magistratus imperio; sed & testamento recte quis adoptabatur, quod disce ex Vellejo Paternculo lib. 2. *Cesaris testamentum apertum est,* quo G. Octavianus adoptabat. Adde Eutropium lib. 7. *Vindicatus patris sui mortem, à quo per testamentum fuerat adoptatus.* Cicero in Brut. *Qui Crassi testamento fuit adoptatus.* Suetonius in Tiberio: *Testamento adoptatus, heredem adi- tā. max. nomine abstinuit.* Idem Suetonius referit Augustum, cum Tiberium heredem instituisse, jussisse ferre nomen suum; cuius cautionis vestigia extant in *l. hoc iure 19. ff. de do- nat. §. final.* *l. 7. in fine, l. facta 63. §. quod si, ff. ad Trebel.* *l. cūm filius 76. §. pater, ff. de legati- tis 2.* Optimus textus in *Gaius Sejus 12. ff. de Ju- re patron.* ubi queritur, an libertus ob id, quod in testamento inter liberos heres instituatur, sub appellatione filii mutet statum? Et respondeat Consultus, non mutare: ratio evidens, & subtilis est, quia per adoptionem factam testamento videbatur capite minutus: ad cuius textus interpretationem videndum est Amaya in *l. i. C. si servus, vel libertus, & de adoptio- ne in testamento facta agunt Gellius lib. 5. no- etium,* Rewardus de auctor. prud. cap. 6. Baldwinus ad *l. non dubitamus, C. de condit.* & demonstr. Cujac. lib. 7. obser. cap. 7. Veruntamen, quia adoptio duobus modis tantummodo fieri poterat, populi auctoritate, vel Principis & Magistratus imperio, si quis ita adoptaretur in nomen, & familiam, non jure adoptaretur, quia legandi verbo lex 12. Tabularum, quae testatorum jus constituit, *l. verbis 220. ff. de v. s. de adoptione loquuta non fuit; id est adoptionem testamento veluti in jure factam, à Principe vel populo confirmari oportebat, quemadmodum cūm fœmina filium adoptabat, l. adoptio 38. Digestis de adopt.* Rewardus lib. 5. variar. cap. 12.

*6. Posteriori tamen ævo viguit consuetudo apud varias nationes adoptandi per arma, ut notum est ex Cassiodoro, & Corippo Africano lib. 1.*

---- *Cape dona Dei scipiri que paternis*

*Viere, & augustum, quod desuit, accipe nomen.* Cujus adoptionis formula extat apud Cassiodorum lib. 4. variar. quia Theodoricus Herulorum Regem filium sibi procreat, ut notavit Pitheus lib. 1. advers. cap. 1. Sic Justinianus Athalarici patrem adoptavit, ut hic ipse apud eundem auctor. gloriat, lib. 8. Desiderio concordia factus est per arma filius, quia unius nobis pene videbatur aquævus. Idem auctor lib. 8. ait: *Extargentis Go- thica hujus probitatis exemplum.* *Gensimundus ille* rotō orbe cantabilis, solum armis filius factus, tanta se Amalis devotione conjunxit, ut heredibus corrum curiosum exhibuerit famulatum. Similiter tangendo barbam adoptandi filii, Aymonius de gestis Francorum lib. 1. cap. 20. ibi: *Miserat idem Clodoveus Legatum suum nomine Paternum,* ad Alaricum Regem Gothorum, ut que pacis erant, tractaret cum eo, simul etiam & voluntatem ejus agnoscere, quo in loco ambos Reges sibi pro utrius-

D. D. Gonzal. in Decretal. Tom. IV.

que regni utilitatibus colloquuturos oporteret occurre- res, & Alaricus, juxtamorem antiquorum, capellam suscipere, qui ejuſ Cesariem incidentis, ei pater effectus est. Quem ritum adoptionis illustrant Merillus lib. 3. obs. cap. 40. Zerdatam. l. in Judith, Academ. 22. num. 35. Cochier in face histor. cent. 2. cap. 45. P. Pitheus lib. 1. advers. cap. 1. Sahabedra in corona Gothic. cap. 9. Vinnius in notis ad vi- tam Benedicti Papæ II. Baronius anno 684. nu- mero 7.

Sed antequam manum levemus à ritibus in adoptionibus usitatis, exponendus est difficultis Exponitur locus Plinii Junioris in panegyr. ad Trajanum, ubi plinius in panegyr. de ipsius Imperatoris adoptione agens, hæc difficultia verba ponit: *Itaque tua adoptio non in cubiculo, sed in templo, nec ante geniale thorum, sed ante pulvinar Jovis O. M. paracta est.* In quo- rum expositione miror altum silentium Catanei Jureconfulti, & Bajoni, necnon Justi Lipsii, qui cùm in aliis rebus essent multi, hic tamen muti fuerunt. Ut tamen qualequam lucem huic loco perobscurò afferamus, observe plures ex veteribus eosdem esse genios & lares familiares, memoriæ prodidisse, ut Censorinus de die natali scribit; & tantæ religione, ac superstitione ab eis cultos, & veneratos fuisse, ut non solum ante eos pueri togam praetextam fumerent, cùm bullam deponerent, & laribus suspenderent, ut ex Persio & Propertio constat; verum etiam adoptiones ante lares familiares peragerent, ut ex versu illo Propertii, *amplexum Casarise effe focos,* colligitur, quem de adoptione, Scaligerum sequitus, repudiata Passeratii interpretatione, accipio; & lares familiares præsentes fuisse, tanquam authores illius familiæ, & domus, in cuius sacra adoptatus transibat. Illud etiam noto, lectos geniales Geniis fuisse consecratos, ut Arnobius mores vetustate obliteratos recensens testis est, & ex eo & Catullo in epithalamio Pollei, & Thetidis, observe illis geniales lectos sterni solitos, ibi:

*Pulvinar vero Diva geniale locat*  
*& Edibus in mediis.*

Ubi illud Diva, de Junone accipio, fœminarum Geni, ex veteri inscriptione adducta à Demstero ad Rosinum lib. 1. cap. ultimo. Ex hoc ergo, quod Genius à generando dicatur, ut Censorinus scribit, consequens esse videtur, ut iidem genii, ac lares dicantur, & generationi præsint, similiter & adoptioni, quæ nature commentum est. Unde apparet verus sensus Plini, qui is est: *Tua adoptio à Trajane, non in privato, & domestico cubiculo, sed in com- muni, ac celeberrimo loco, seu templo;* & non ante geniale thorum, id est in conspectu Geniorum, seu Larium familiarium, sed Jo- vis O. M. paracta est: quæ explicatio non inconcinnè explicari potest, si referamus aliqua ludrica in adoptionibus intervenisse, & in eis partum simulatum fuisse; quod constat ex facto Sanciæ, quæ ut adoptaret Mudariam in filium, illum per amplissimam manicam accepit, & per collare extraxit, ut referrunt Mariana lib. 8. histor. Hispan. capite 9. Covarr. in thesauro, verbo Cavecon. quillum adoptionis insignem morem in Castella pœci- piuum, usurpatum, & receptum retulerunt: hinc vulgare proverbium emanavit: *En- tro por la manga, y salto por el Cavecon;* ut

ut resert Petrus Munoz in sua proverbiorum farragine. Extat etiam elegantissimum Diodori Siculi lib. 4. rerum antiquar. cap. 3. testimonium, quo haec omnia mirè confirmantur, cuius verba transcribo: *Adjicendum est superioribus, novem persuasissimoni, ut Herenlem se fingeret genuisse, matrisque erga eum deinceps benevolentiam ostenderet. Partum ejusmodi fuisse traditum. Juno cum lectum ascendisset, sumptum juxta corpus Herculem, per vestes inferius demisit, verum partum immata, sicut & nunc usque in filiorum adoptione observavam Barbari.* Invenio etiam in sacra pagina eum, qui alterius filium adoptare desiderabat, pueroram genibus fulsisse, & recens natum adhuc à matre rubentem infantulum super genua sua collocasse; nam Genes. cap. 30. vers. 3. legitur: *Ingrēdere ad illam, ut pariat super genua mea, & habeam ex ea filios.* Quem locum de adoptione intelligunt Lyra, Pererius, & Abulensis: & Antonius Fonseca vir perdoctus scribit hinc adoptandi ritus, & leges initium sumptissime: & Honcala ibi referit moris fuisse, ut qui alterius prolem volebat adoptare, pueroram insidem inter parientum genibus fulciret, & recens natum infantulum super genua sua statueret, & eandem adoptandi formam fuisse constat ex cap. 48. Genes. vers. 5. ubi hæc leguntur verba: *Duo ergo filii tui me erunt; ubi Hebraica lectio est: Cūnque tulissit eos de inter crura patris. Et Sanctus Pagninus, è gentibus ejus, legit;* inter quæ quasi in ritu adoptionis, per generationis imaginem Jacob nepotulos suscepserat.

## 8.

*De cognatione* esse naturam imitari, non mutare: adoptivus *natus legaliter*, itaque gentis iura consequi, non generis potest, hoc est familiam, tamen familiæ nomen, non stirpem, sanguinem, sive originem, l. qui in adoptionem, ff. de adopt. si dignitatem pater habet, eadem adoptivus filius decoratur, l. in omni l. per adoptionem, Digestis de adopt. l. Senatoris, cum sequenti; l. emancipatum, ff. de Senator. l. 4. C. de decur. lib. 10. non generis claritate; nam nec facere generis largitio potest, ut mutem genus, sed ut simus ex genere, l. mulieres, C. de dignit. lib. 12. l. ultim. C. de incolumib. 10. Dignitas extriuscus obvenit, nobilitas natum sequitur; illa itaque communicari plus valuit, ista minus. Sic autem legumlatoribus placuit, tum naturali ista, tum civili etiam ratione; nam si per adoptionem crescere nobilitas posset, magnus undique exercere hominum numerus, qui obscurio loco generi nobilitatem per adoptionem assequentur. Cognitionem eam, quam adoptio parit, civilem, & legitimam, seu legalem, ad differentiam naturalis, appellamus, l. 4. §. cognitionis, Digestis de gradibus, l. in fine, l. 2. §. parvi autem, Digestis de suis & legit. §. per adoptionem, Institut. de legitimis agnatoribus success. quia scilicet sola lege adoptio nititur, & actus mere civilis est; unde & Proculus jure legis suuus esse dixit filium pro adoptivo, in l. si quis 44. Digestis de adopt. nec cum iis cognitionem inducit, qui naturâ tantum, & sanguine sunt cognati, veluti cum matre, materteria, aut sorore uterina adoptantis, aut ejus filii emancipatis, natilve ex filia; sed dumtaxat cum adgnatis, quos ab aliis cognatis lcx 12. Tabularum distinxit, l. qui in adopt.

tionem 23. Digestis de adopt. l. si qua mihi 12. in fine, Digestis de ritu nupt. l. patris 7. Digestis de in ius vocando, l. 1. §. cognitionem, Digestis unde cognati. l. 4. §. penali. l. Jurisconsuetudine 10. §. cognati, Digestis de gradibus & affin. hoc est cum iis, qui ejusdem familie & nominis sunt, easdemque imagines, seu insignia habent, veluti cum adoptantis patre, avo, fratribus, sororibusque; unde sensus legis qui 23. Digestis de adopt. est, cum, quem per adoptionem, vel per arrogationem assumimus filium, vel nepotem, agnatum & cognatum fieri agnatis nostris, non vero agnatum vel cognatum fieri nostris cognatis; & ita civilem tantum cognitionem asseri.

Ex hac legali cognitione nascitur impedimentum ad contrahendum matrimonium inter De impedimenta hu-  
cas personas, quæ parentum, & liberorum mento hu-  
loco sunt, etiam postquam emancipatione so-  
luta est adoptio, l. per adoptionem 17. in fine, cognationem  
l. quin etiam 55. in princip. ff. de ritu nupt. quia  
quamvis tunc nec nomen liberorum, nec  
aliud ullum superstiti vestigium, l. si quis 60.  
§. quid ergo, ff. eod. titul. l. in omni 13. de adopt.  
l. 4. ff. si tabula testam. §. minus ergo, Institut.  
de heredit. quæ ab intestato, l. 6. Digestis de Sena-  
toribus: manet tamen publicæ honestatis ratio;  
quæ ob memoriam prioris necessitudinis mar-  
ritum esse non patitur, qui pater, aut avus,  
filii, aut nepos antea fuerat, §. ergo. Institut.  
de nuptiis: quod eodem modo contra in-  
reciprocatione servatur; nam quamvis cum  
adoptivi patris uxore, quæ in manum ejus  
non convenit, nulla omnino contrahatur aut  
cognatio, quia diversæ familie diversi sunt  
nominis, aut affinitatis, quia nunquam sola  
adoptio facere affinem potest, d. l. 4. §. penult. ff. de  
gradibus. tamen ab ejus nuptiis abstinerere publica  
honestas suadet, quoniam etiæ nec matris ei  
loco sit, nec cognatæ, d. l. qui in adoptionem,  
tamen quasi noviter locum apud eum obtinet,  
l. adoptivus, in princip. & §. nunc videamus, ff. de  
ritu nupt. Cognitionis autem eo casu nul-  
lam haberi rationem, conflat ex eo, quod  
etiam uterina patris sororem ducente permit-  
titur, l. si qua mihi 12. §. ult. Digestis eod. Vi-  
deamus an idem observetur de matre ipsius:  
nam omnino extranea est, non agnata, cum  
nec patri quidem ipsius adoptivo agnata sit, l. 7.  
Digestis de capite minutis; quæ de causa Paulus  
scribit in d. leg. qui 23. Digestis de adopt. eam  
avia loco filio adoptivo non esse. Nec etiam co-  
gnata, & multò minus affinis est, quia cum per  
adoptionem cognitione non contrahatur, sequi-  
tur ut nec patri adoptivi mater, nec ipsius  
cognati adoptio filio cognati sint, d. l. 4. §. 1.  
quibus enim adoptatus agnatus non fit, hic  
nec cognatus fit, d. l. 23. Digestis de adopt. ad-  
huc tamen dicendum est, à nuptiis ejus esse  
abstinentum, quia avia loco fuit. Nec con-  
trarium suadet Gajus in l. quinetiam 55. §. ult. ff.  
de ritu nupt. in illis verbis: *Et patris adoptivi mei  
matrem, aut materteram, aut neptem ex filio uxo-  
remducere non possum, scilicet si in familia ejus sim;*  
*alioquin si emancipatus fuerit ab eo, nihil impedit  
nuptias. scilicet quia post emancipationem extra-  
neus intelligor.* In quo textu verbum matrem, ex-  
pungunt Hothomanus lib. 1. amicabil. cap. 10.  
Cujac. lib. 23. observ. cap. 36. & etiam pro ma-  
terteram,

tertia, reponit amitam, idem Hothomanus lib. 12. obser. cap. 9. Sed rectius Gentilis lib. 5. de nuptiis, cap. 15. communem, Florentinamque lectioiem retinet, & ea verba, si in familia eius sim, refert non ad matrem, aut materterum, sed ad neptem ex filio, utpote proximorem in ipsa textus litera, & in qua nullum absurdum sequitur. Wiesbach. disputatione 6. var. Hujusmodi ergo cognatio est triplex, namque est paternitas legalis inter adoptantem, & adoptatum, & ejus filios, qui erant in potestate, inter quos dirimitur matrimonium, et si adoptio folata fuerit, dict. cap. ita 30. q. 3. d. l. quin 55. de ritu nupt. Sanchez d. lib. 7. disp. 63. num. 4. Palau disp. 4. de matrim. punto 9. Nec hodie extenditur ad ultiores gradus, ut cum aliis docuerunt Leander de matrim. disp. 13. q. 28. Torreblanca lib. 2. de jure spirit. cap. 15. sett. 8. Est etiam sacerdotia aternitas legalis inter adoptatum & filios adoptantis, ut statim dicimus: tandem est quædam affinitas legalis inter adoptatum & uxorem adoptantis, de qua proximè eg. 10.

Traditur ratio decideri. His animadversis ratio præsentis assertionis ex eo provenit, nam cum per adoptionem inter adoptivum filium, & filios naturales adoptantis quæsita fraternitatis sit, aliave ex transverso cognatio, ideo inter eos nuptias consiliter non possunt: hoc tamen impedimentum temporale est, quandiu videlicet durat adoptio; nam ea soluta, cum soror esse definit, immò adoptatus efficiatur extraneus, d. l. quin, l. si stipuler, ff. de verb. obl. & ut ait Ulpianus, post emancipationem in totum familia adoptiva oblificatur, l. si quis rutor 60. §. penult. ff. de ritu nupt. l. 3. §. liberros, ff. si tabula testam nihil impedit quo minus cessante causa impedimenti nuptiae consistant, d. l. per adoptionem, que transcripta est in cap. 1. 30. q. 3. l. si quis 9. §. ult. ff. de liber. & posth. juncta l. si filium 5. ff. de gradibus: jure vero Canonicco nec inter filiam illegitimam, & adoptivum nuptias dari posse, docuerunt Valensis ad hunc titul. num. final. Baldus in l. 17. de ritu nupt. Circa filios adoptivos tantum, an inter eos matrimonium dari possit, dubium est. Et conjungi illos non posse, cum aliis resolvit Covarr. 2. p. de matrim. cap. 6. §. 5. Diana p. 4. tract. 4. resol. 121. Leander de matrim. disp. 13. quæst. 28. licet contrarium cum Hostiensi teneat Gentilis suprà. Illud etiam valde habetur, an sicut cognatio hæc legalis nuptias impedit, & de facto contractas dirimit; ita etiam superveniens nuptias legitime contractas irriter, an ipsa adoptio impeditur? Et jure Canonicco attento certum est, cognitionem hanc supervenientem nullo modo dirimere matrimonium antea contractum; siquidem nec spiritualis superveniens illud dirimit, ut probavi in c. 2. supra, titul. proximo; immò nec impedit petere, aut reddere debitum, cum id nulla juris canonici sanctione prohibitum sit: dirimet tamen sponsalia de futuro, ut probat Basil. Legion. suprà, quoad jus civile, Theophilus ad tit. de nuptiis, & in princip. de adopt. Cujac. in cap. 4. de consanguine. & affin. sed vix constat. Et de eo quidem, qui post nuptias cum uxore repudiata contractas à priore ipsius marito adrogatus est, Ulpianus

affirmative respondit in initio legis si qua mihi, ff. de ritu nupt. quamvis si adrogatio divortium praecessisset, incestas esse constaret, ex d. l. adoptivus; ratioque in promptu est, quia illo casu dici non potest in uxorem duci eam, quæ ante novercæ locum tenuit, ut in d. l. adoptivus; superveniente autem per adoptionem post contractas nuptias fraternitate: veluti cum sine ulla filii filiave emancipatione sacer nurum, aut generum adoptavit, dicendum est, nuptias dissolvi, adoptionem autem non impediri, ut innuit Triphoninus in l. penult. §. sed videamus, ff. de ritu nupt. & suffragari videtur Justinianus in §. & ideo, Instit. de nuptiis: quare Gajus in d. l. per adoptionem, §. itaque, ff. de adopt. suadet volenti aut numerum, aut generum adoptare, ut filium, filiamve prius emancipet, ut fecit Claudius Imperator, qui adoptatus Neronem generum, emancipavit Octavianam filiam, ut refert Diocasius lib. 58. docent Gentilis ubi suprà, cap. final. Dartis in 30. q. 4. num. fin. Et licet hoc impedimentum tantum oriri ex adrogatione, non vero ex adoptione voluerint Sylvestris verbo Matrimonium 8. q. 8. Sanchez lib. 7. de matrim. disp. 63. Diana part. 4. tract. 4. resol. 120. rectius contractum tenuerunt Basil. lib. 7. cap. 41. Gutierrez de matrim. cap. 102. Toletus lib. 7. summe, cap. 4. num. 1. & alii plures.

Nec obstat dubita di ratio suprà adducta, nam licet adoptio tota sit juris civilis, tamen propter Dissolvitur pudorem, & publicam honestatem, que spe dubitandi ratio. Etatur in nuptiis, l. in conjunctionibus, ff. de ritu nupt. sufficit nomen sororis, ut appareat matrimonium inter adoptatum, & filiam adoptantis esse inhonestum, ut suprà in ratione decidendi probavi. Nec obstat augmentum ipsius difficultatis, nam licet filii adoptivi quoad aliquos juris effectus non habeantur pro filiis, quoad ea tamen, quæ pudorem & naturalem honestatem respiciunt, pro filiis semper habentur: unde quoad nuptias durante adoptione filii creduntur. Nec obstat secunda difficultas, nam licet adoptio facta sit, tamen ejus effectus juris civilis sunt, unde contrario jure civili in totum tolli possunt, ex l. nihil tam naturale 35. ff. de reg. jur. & ita emancipatione sequuntur, habentur fratres adoptivi, ac si nunquam adoptio celebrata fuisse: quare non peadet in hoc casu valor matrimonii ex facto privati, sed tantum tollit causam impedimenti, filium emancipando. Nec obstat augmentum ipsius difficultatis, nam licet emancipatione sequitur non possint contrahi nuptias inter eos, qui parentum, liberorumve loco sunt mediante adoptione, quâ etiam solutâ manet pudoris, & publicæ honestatis ratio, quæ impedit similes nuptias, §. ergo, Instit. de nupt. tamen cessat illa ratio pudoris, seu publicæ honestatis inter collaterales, postquam per adoptionem quæsita fraternitas, aliave ex transverso cognatio, eadem adoptione solutâ evanuit, quia tantâ non videtur religione colenda memoria fratris olim adoptivi, aut sororis olim adoptivæ, ac similium, quanta colitur eorum, qui aliquando parentum, liberorumve locum tenuerunt; ideoque nec cum novercæ adoptiva, etiam solutâ adoptione, nuptias consiliter possunt, ut suprà probavi.